

秦

川

焚

餘

草

秦川焚餘草卷四

閩縣董平章琴虞撰

揚州復陷於賊逆匪猖獗極矣憤託長歌亦匪風
下泉之思也

黃門夜半飛章入大帥外臺交告急官軍屢卻保江淮
劇賊長驅來皖歛自從狐鼠穴陪都半壁東南困輓輸
別隊上游屯戰艦連營旁午治軍書久經征戍將材出
德遠威名婦孺識謂張國樞祇道行看白下收豈期再報維
揚失火光宵燭大儒坊內薄登城勢陸梁鹽筴賈皆頭

縮蝟鈔關吏孰臂當螳亦有鄉兵佐行伍金湯重陷終
奚補廿四橋邊月可憐瓊花觀裏春無主憶昔廣陵全
盛時青樓歌板酒家旗竹西上巳事春禊瓜步端陽張
水嬉澆風冶習神人忌試鑒前車徵往事不見六師壓
境時曾傳十日屠城記吁嗟乎禍福由來倚伏中盈虛
消息窮則通貞下起元劫運終人心敦樸返時雍況聞
宵旰厯 皇衷爲民請命熙天工須教四海櫜弓矢豈
獨三吳息燿烽

冬曉卽事

初冬研欲冰旭日半窗升曉起攤書坐承塵落凍蠅

硯因寄懷二律並索和章依韻呈答

舊雨分攜久閒雲欲出遲三秋多雁訊兩地切葭思肝
膽和盤託頭顱有鏡知顏唐吾老矣王路怯驅馳

紅蓮依綠水羨子樂何賒判牘胸成竹清談舌粲花詩
城嚴格律幕府噪才華何日岷江訪相期繫釣槎

落葉用王徵君璫琇山房集韻

徵君名志漸字干
波華州人嘉慶元

年舉孝
廉方正

園林收拾翠重重欲向蕭晨賦大東四望空明惟野水

一年容易又秋風

借陸放翁句

孤蛩駢響閒階裏匹馬衝寒

古棧中最是長門工寫怨短吟題付御溝紅

方愛吾廬夏木森無端搖落思難禁山腰踏響高人屐
浦口敲殘少婦碁倚石聽楓添畫意掃雲煮茗滌詩心
南中較覺秋光晚橘柚寒煙話故林

石徑停車憶往年無邊暮色正蒼然紛紛撥以看雲杖
一一輕於破浪船社散粉榆飛若雨洲空蘆荻補宜煙
殘英曾點徐熙筆好倩重描十月天

一抹疏林絢晚霞飄零有客共天涯紅收柿圃堆書案

黃壓茅檐認酒家，衰草霜濃奔駭鹿。
橫枝月上點棲鴉，默參造化榮枯理。
轉眼春郊萬樹花。

雪蕉又以舊作出示仍共次其韻

萬木蕭蕭下晚風，洞庭波後小園空。
伴他原草無情白，賸此涇楓作意紅。
棧道驢綱秋色裏，戍樓鴉陣夕陽中。
全刪障翳供吟眺，太華平添嶽勢雄。

暎曉初聞斷雁征，戰秋庭院恍囂兵。
呼童縛帚雲無迹，對客彈琴月有聲。
畫裏寒林平楚盡，望中霜幹遠天擎。
莫傷晚景飄零甚，待看芳郊衆綠生。

雪蕉戒行有日率占爲贈

笑我牢騷滿肚皮多君謙遜合時宜
相看出處情雖異話到深時暑屢移

園法權宜佐度支經年算握復籌持
豈知歸去蘭山日

囊裏惟攜我輩詩

君繼李西垣太守之後
司官錢鋪倍矢清操

我石山長以和璫琇山房四律見示
因亦共次元

韻

鳥夢

漫言小鳥本無知感夢還緣有所思
葉底雙棲方偃息

梅邊一覺孰扶持黃梁境幻雲深處翠羽聲啾月落時
不管征遼戍婦怨曉啼偏向最高枝

花魂

名花端合擬佳人認取芳魂色界身冉冉招當金谷地
珊珊遲向豔陽長明妃歸後林如錦倩女離時苑不春
流水啼鵑空弔影好從香國證前因

石情

雲根怪石斲空青別有奇情米老庭東海袖攜成眷屬
鬱林舟歷見儀型教人欲拜庸無意任爾能言恐不經

自聽元談頭屢點頓令頑品亦通靈

劍魄

試攜長劍引杯看魄力沈雄注目難
旁死蟾光緘一室上騰虎氣幻雙丸
鑄成血定干將斲相去神猶薛燭寒
幾輩窮途嗟落拓壯心時把蒯緱彈

除夕

又見桃符煥綺寮旅愁如海總難消
百年過半歸何日一歲將除賸此宵
循例祭詩筵列草末巡酌酒頌銘椒
追思十五年前事蟣蝨臣猶戀早朝

乙巳元旦余以將出都特隨班朝賀

詎意此後竟
不復入都耶

齒落歎

戊午仲春落一齒適避危疴幾不起仲冬一齒又離牀
對茲頽景殊自傷問君行年剛卅八底事齒牙便殘缺
宮咀微嚼廢歌呼剛吐柔茹妨飲啜傳聞齒乃骨之餘
嗜慾攻取髓先枯虛耗精神能鄙事枉拋心力愛奇書
憶從齟齬易牙始落舊生新固恆理每貪口腹恣肥甘
更鼓脣喉肆詆毀卽今事事不如人視昏髮禿面皮皺
豈爲黃梅酸欲齟但逢青果齟而呻

時適有饋
橄欖者

竭來痛

定自思省定坐噉名致災青妙藥須求白玉膏前塵休
說紅綾餅作達何曾學謝鯁無端折去露空齧相依徒
有脣爲輔不做終輪舌尙存齒乎齒乎何所似葉落秋
林差足比一落再落殊未已牽連搖動伊胡底厥初聊
復作詩紀詩成持用詫妻子眼中之人吾老矣借杜句

元旦秦營守府海秋帆見貺折枝蠟梅春寒方劇

開逾兼旬喜賦

武士愛花能折贈膽瓶元日蠟梅新一枝恍對江南客
十載初逢隴右春云得自東關孫氏園實茲土所僅見色割蜜脾蜂乍褪

香含磬口麝同珍佳條嫩蕊徐徐發好與維摩伴病身

喜雪

正月廿八日

瑞雪及農時春城曉望迷團空猶作絮到地便成泥玉
屑飛龍甲銀杯散馬蹄高人慵掃徑野老快扶犁應遣
蝗蝻盡懸知麥價低會逢晴日暖載酒向桃蹊

春日感懷

柳稊杏綻景光新離索居諸獨愴神陶令辭官聊遣日
杜陵爲客幾經春著書自是窮愁事縱酒終妨老病身
屏卻杯鎗焚卻研天涯如寄一閒人

原病篇

入春舊患復劇自維不得其故豈乞疾引退
朝廷固不可欺耶復原致病之因著之於篇並
設無聊妄想以爲亂亦窮極思通之意也

乞身假引疾誑語翻成真骨有據二豎城府纏三彭卒
歲體稍舒入春疹復萌長卿棲茂陵公幹臥漳濱悔失
衛生術默思致病因壯齡增日過談驚四座賓頽景習
心齋相嚴爾室神多言肺旣損久坐肌不生化源遏其
機遑滋衛與榮氣海失所司安輸液與津長鬚爲沽酒

易牙爲調羹對案弗能御支牀空自呻浸假益沈痼坐
教長逡巡武鄉難久視鑿齒僅半人安得古和緩妙手
爲回春元霜搗玉杵白露承金莖藥良口雖苦病失眉
頓伸胸膈富愛納脈絡暢流行宣髮黑還舊智牙堅增
新暮齒得頑健坦懷忘賤貧位置伍農圃往來謝公卿
閒福託癡想衢歌偕邊氓

春曉卽事

端爲貪眠早挂冠晨興日每上三竿篆煙隔幔留餘馥
積雪沿階釀薄寒花信漸催春事近鳥聲似勸客愁寬

也知飄泊關時數柰觸鄉心欲遣難

讀文心雕龍書後

聖學幾中絕百家見異遷識緯新耳目濫觴戰國前左
氏華而夸著龜灼未然浸假逮秦漢粉飾窮神仙光武
實英傑亦復好奇偏白水赤伏符左道信獨堅康成本
大儒墜緒精探研註經雜引緯于理毋乃愆援神契謬
著元命苞妄編孝經與春秋依附爭流傳乃有房中記
僞託誣文宣我愛劉彥和巨製雕龍篇厥目列正緯卓
識超儒先匪獨釐文體正道得真詮緬懷齊梁季斯人

良獨賢

硯因寄示除夕見憶詩次韻呈答

仲宣憶昔暫相依自喜占星識少微吟苦豫期名可噉
交深每悵迹多違韜光我學蜘蛛隱曜彩君齊孔雀飛
爲祝明年逢此夕板輿到後舞萊衣

時聞欲迎養太夫人

春草四律次研因韻

寒消北陸餓元冥漸覺金鉤草眼醒望裏江南隨意綠
燒餘原上盡情青恩光慣迓宸遊輦公道能生冷宦庭
記得年時曾拾翠芳郊舊路約重經

翦翠裁藍徧被臯東風始信快如刀香飄堂下新書帶
色奪宮中舊錦袍多識景純箋爾雅好奇正則詠離騷
孤芳不是無人賞根託春城怪太高

黃落曾銷遠道魂又看生意返重門小蠻載酒茵堪藉
露卯尋花齒有痕春夢者番句謝客歸心前度怨王孫
午橋莊外須妝點白殺烏犍散滿村

平蕪遙接碧萋萋似有疑無野望迷古驛荒煙三月雨
夕陽流水一灣溪飛鶯瞥見拋梭亂盤馬時聞噴勒嘶
知子永懷護樹背寸暉吟戀雨心齊

子佩以上已擬過訪爲風雨所阻一詩見示次韻

呈答

佳節重逢

今歲清明節
適值上巳辰

春好尋底須馬射豔華林無端

寒雨孤游興空遺高人闕足音觴詠莫酬邊塞樂松楸
最繫故園心蘭亭長少期仍集一事輸君鶴和陰

春燕得微字步我石韻

燕燕曾相識來降今又歸巢痕尋畫棟雛語戀春暉久
蟄神猶怯于飛力尙微粟留儔侶在好伴掠芳圻

念爾仍懷主嗟余已倦飛浮蹤依紫塞舊夢話烏衣每

歲春前至何年海上歸杜陵爲客者擁鼻託吟微

和研因寫懷四律仍疊春草韻

高飛避弋學鴻冥一覺勞生夢已醒絕口顯榮期守黑
等身著作擬留青柴桑莫問泉明里蓬蒿長遮仲蔚庭
七載羈棲何所事茂先日手法華經

休論廣武與成皋豎子賢豪混捉刀高士惜傳廣陵散
才人甘唱鬱輪袍誰摹檣杌編心史爲弔蘭荃著反騷
利藪名場蹉跎易何如歸臥白雲高

謝遣紛華役夢魂恍聞琴道說雍門卷中醉墨饒吟興

衣上征塵賸浣痕
話舊偶尋扶杖友
分甘時弄負牀孫
蝸居近市喧囂甚
徑欲誅茅向遠村

鑠金衆口慣含羞
宦海收帆幸覺迷
流寓客依同谷縣
卜鄰地指武陵溪
中原蒿目嗷鴻集
故國驚心戰馬嘶
幾度思歸歸未得
天時人事久難齊

首夏攜兒女幼孫
至東郊七里墩看
花用程明道
先儒游紫閣山韻

童冠不須招相將
度野橋芹泥黏屐齒
草露潤裙腰韶
景三春逝名園七
里遙花時能幾到
蕭散愧山樵

歸途過孫氏園看牡丹

荒圃豔名花疑過隱士家竹梅森左右榆柳界橫斜地

以蕭閒勝心於富貴遐猶存時世愛姚魏占繁華

園僅菜圃

數畝環植榆柳爲垣閒以短籬中築丈許斗室孫氏子居焉殆抱甕之流亞歟

激流兼植援四序足奇葩卻羨機心息能砭俗骨瘕堆
牀饒阮笛題壁走龍蛇儻許芳鄰買來依學種瓜

詠新綠次子佩韻

紅紫春歸豔不濃邊城萬綠漸成叢斬新畫意勻螺際
暢好生機想象中芳草西堂初破夢微波南浦欲涵空

從教盈掬終朝采長養還饒解愠風

雨夕散帙卽事感賦

書味能忘老挑燈況雨天賢豪當晚節歲月付殘編夜色
曹騰甚吟情慘淡偏詩成還自笑留滯誤年年

端陽甚雨不出

惱我風狂雨驟天客中端午閱年年搓風柳線垂檐綠
冒雨榴花夾砌妍秦俗端陽插柳寓屋雙榴今歲較早花遺世閒身將艾

歲傳家長物有蒲編眞成兀坐孤佳節檢點鄉愁濁酒

邊

榕城端午竹枝詞

雨坐無聊拉雜成詠
鄉關景物如在目前

爭投角黍弔三閭佳節流傳五月初最是故鄉文物盛

屠門也貼午時書

閩俗端陽節以小紅箋撰句徧貼門
戶謂之午時書舊傳佳句甚多惟明

季屠者徐五以門無題午目不識丁入
字爲曹石倉尙書所賞與之訂交焉

堂開宛在俯中流士女傾城盡出游記得小西湖上路

羅衫紈扇看龍舟

小西湖在城外里許蓋推餘杭爲大
也中有開化寺宛在堂諸勝水木明

瑟五日前後觀競渡游屐畢集焉舟狹
而長首尾肖龍形兩舷安槳數十枝

涼船過處水生風鼙鼓聲喧萬槳同若箇錦標先奪得

蒲葵扇繫手巾紅

土音呼門龍舟爲划涼船好事者以
巾扇爲標繫竹竿插岸上衆舟鼓櫓

爭先以得爲榮鼓聲鑼聲
與人聲共闐水爲之沸

觴泛菖蒲醑味津酒徒羣飲趁良辰兒時猶見昇平瑞
日午沿街有醉人

蜈蚣蝮蠅蛇蛛繪入天師鎮宅符沿襲鍾馗唐故事

黃煙放處怪全驅

黃紙摹印張道陵像並繪上五種蟲
多懸戶上曰天師符又於卓午點放

黃烟筒皆取祛邪鎮宅之
意殆做終南進士遺事耳

歲時薦食祀先靈家擅南烹發苾馨異嗜舊傳閩小紀

楊梅酸醅魚腥

過節祀祖先
家必具二物

輕羅細葛及時裁梅雨初過暑氣催忙煞鄰家新嫁女

前期爲討夏衣回

嫁女極具極豐厚而獨缺紗羅絺綌之衣次歲必於端節前歸甯謂之討

夏衣豪侈之家併及香囊執扇費復不貲無怪俗之多溺女也

採蓮鼓裏採蓮歌錢米沿門託鉢多報道瘟神將出海

市頭爭看紙船過

俗供瘟神曰五帝每歲夏五紙糊巨舟送水濱焚之謂之出海先期率昇

小木船徧歷城鄉募化錢米打鼓唱歌俗皆以採蓮名之

村童總角女垂髫續命添纏縷幾條不解綵絲懸腕後

何能助鵲駕靈橋

兒女多以五色線爲臂釧蓋卽續命縷之遺意惟佩殘者必留至七夕置

瓦上謂爲烏鵲銜去作填橋之助吁曰鳩鋤不知何本

艾人繭虎宛如生綵筆拈來倍有情合抵南中風土記

吟成身恍在榕城

與客游玉泉觀卽事

靜觀樓畔白雲亭

亭當山麓高曠處勝景畢收題曰白雲明月之亭蓋集趙松雪石刻字也

縱目晴空入渺冥遠水光浮林杪白童山色借麥苗青

勝游有約來今雨

謂承露卿劉獻廷兩通守

老友相看似曉星

謂姚雨樓

張葆卿兩大令十載秦川長作主渾忘客寄等浮萍

閒居自歎

自撫勞生歎不辰顏齡怕踏輦紅塵愧無濟變扶危畧
甘作投閒置散人身外半通輕紫綬眼前幾隊鬪黃巾

柴桑爲欠逃名地虛擬桃源說避秦

但能忠孝卽神仙鑪鼎休勞問汞鉛丹藥果吞中射士
鍊師應滿大羅天賢豪末路思遺蛻名利餘波冀引年
我獨笑懷秦漢事驪山荒草茂陵煙

荷芰爲衣賦遂初顧癡嵇懶稱閒居新巢定遜銜泥燕
故紙鑽同食字魚局覆殘棋繙弈譜囊收靈藥錄方書
休嗤退宦無經濟掃地焚香樂自如

壯歲曾期五岳游爲牽婚嫁願難售貌衰覺換雞皮相
身老思貽燕翼謀生產千頭虛枳橘夢魂萬里戀松楸

何當歸臥三山下負耒橫經占一邱

七月十一夜望月

一年十二月幾望清光多祇愁值陰雨廣殿幽姮娥四
時秋氣佳雲影如薄羅中弦以後夜明鏡耿新磨人定
院宇涼蟋蟀鳴庭莎對景不能寐感懷聊浩歌中原久
糜沸蛾賊紛么麼掃除苦無藉手乏吳剛柯隴右悵留
滯閩南阻山河故鄉今夜月應共泛金波交親見明月
望我歸巖阿爲我謝交親余情靡有他不緣亟招隱奚
爲乞養疴理彼舊松菊製吾新芟荷此心有月鑑所否

如天何

衛淇園大令書來諷余出山並寄長古一篇賦此

呈答

故人歸去棲故邱
憐我辭官仍滯留
返里未能仕亦得
貽詩代借前箸籌
上言壽母北堂健
樹蔭雖老能忘憂
下言遺愛在天水
父老猶思迎細侯
黔首鴻濛滿中澤
赤眉蜂起蟠遠州
時艱共濟丈夫事
幾見懸車及黑頭
感君相規不無意
顧余獨善聊自謀
如矢秉直俗情忌
破觚爲園良士羞
敢向清時輕組綬
竊傷薄祚墜箕裘

顯官無過財帛積裸國未可衣冠游卽今邊徼異前政
大法小廉胡可求善地大都索高價薦章奚必登清流
人心傾軋積薪歎時事蒼黃無米愁內顧此身外顧世
山無斧柯川無舟貪榮搖尾恥干進養拙掉頭甘乞休
吟成報章述厓畧君亦勇退簪早投宦情淡後詩律細
安得與君長唱酬汾陰日有雁東嚮望遠相思道阻修

庭菊較盛喜占

舊有陶家癡霜荻手自栽年年逢九月著意遲花開
曉起臨窗坐幽香度碧紗露華濃似水滿院簇黃花

花事今年好秋光故國懷芙蓉隔天末遲暮渺誰偕
紅紫閒黃白衡門富秋色采采欲贈誰心念同袍客

畦菊未移植者尙多惜爲寒雨所敗因悟物忌太
盛之理率賦志微

東籬秋色占清華朝暮吟看意獨誇已慮入冬霜作梗
況逢竟夕雨摧花黃英猛褪金無色白朵低垂玉有瑕
卉物尙須防盛滿天時人事幾曾差

羈愁

南客北羈殊自憐羈愁暮起塞垣煙莫尋小隱三三徑

時欲移居
覓屋未得
不覺浮生七七年
勇決挂冠吾欲老
澄清攬轡世多賢
滇黔吳楚
甌閩粵僂
指兵猶幾處連

雁字篇

秋宵呷軋鳴聲急
征雁衝飈奮雙翼
書空作字宛肖人
雲箋瞥睹墨痕新
六書肇蟲篆
肇鳥鳳
泊鸞飄
妙誰曉
塗鴉休誚天際鴻
點畫分明波磔工
箏柱斜排繩直度
高飛庶免弋人慕
哀呼似訴行路難
日暮途遙宿何處
嗟爾微禽勤養羞
隨陽南嚮集汀洲
湖湘比歲困兵革
恐乏稻梁供爾求

寒夜

寒色迫天高霜林夜怒號星文迴玉斗人意戀綈袍埴
蟻隨龍蟄村厖似豹噪南征憐塞卒戰地正風饕
萬籟觸蕭騷窮冬噫氣豪擁鑪添榾柮洗盞泛葡萄霜
柝響逾急風燈光欲韜白裘同杜廈心癢倩誰搔

有歎

孔桑幾輩日營營削鐵鍼頭巧取盈集澤九秋鴻雁影
遶山十里螻蛄聲關梁譏察嚴新法并邑誅求困橫征
爲佐司農紆仰屋遑遺國計卹民生

勞生

世途險仄劇難行
話到勞生百感生
雁塞紫騮曾出獵
鹿門黃犢未歸耕
蓬壺有路尋徐福
婚嫁何年了向平
我本海濱垂釣者
乞天終與狎鷗盟

讀崆峒集題後

李夢陽字獻吉慶陽衛人

舊識崆峒子鴻文繼漢秦
僉壬爭側目直道屢危身
牛執騷壇耳龍批黼座鱗
中山狼度曲終愧友朋倫

讀大復集題後

何景明字仲默信陽州人

大復遺編在經畬
古與稽神童能早達
才子例卑棲文

教西京仰詩名北地齊權閤爾何物畫幅肯輕題

內監錢甯

以名畫求題先生詭詞卻之

夜坐偶詠

閒居意不適坐覺冬宵長
著我宜邱壑看人作棟梁
丹心猶戀闕白首倍思鄉
安得傅雙翼凌風南土翔

冬陰

塞迴層陰積冬徂朔氣嚴
序方逢閉塞度盡改洪纖
凍雨跳珠急酸風刮刃銛
隙駒馳短晷靜夜失明蟾
巖霧屏遮幕河冰鏡沍匱
天喬黃且隕飛隄蟄還潛
野岸明

漁艇村橋出酒帘馬毛如蝟縮鷹眼逐禽尖天道無終
否人情每向炎嗟余辭冷宦胡此侶窮閭節序驚虛擲
萍蹤悵久淹寒威期短褐冷色透重簾佳釀螺杯進紅
鑪獸炭添松盟期秀嶺梅笑索巡檐委巷無車馬殘年
有米鹽畔牢愁莫遣剝復理堪占律轉葭灰動陽回蔗
境甜別饒遲暮思吟罷一掀髯

戒飲茶詩

併序

余素有茶癖比年苦便血徧檢方書惟黃土湯
可暫愈蓋緣脾虛不能攝血而溼氣彌久爲害

也頃閱東坡與人書目觸意倣因輯其語爲座
銘成此詩庶繼今受之以節云爾

茗飲最佳物能令詩思清素瓷傳靜夜

借唐人句

妙趣更天

成緊余過泛濫水厄同譏評坐令血暴下胃涇液不行
東坡尺牘語語重意分明脾爲衆臟母黃婆錫嘉名側
聞天隱子泥丸論獨精教人學久視穀安疾絕萌江南
有老人狀貌如童嬰問得何異術了亦無他營日飲減
一勺脰腹奚由盈久且忘暑暍虎向水中生我初昧此
理偶讀惕然驚奈何方寸地日與懷襄爭每思卻七梳

勿使喜三彭龍團甫罷碾蟹眼旋呼烹正如嗜酒人戒
飲先解醪養生非吾事慎疾亦人情未能絕涓滴聊謝
恣瓶罌和緩定驚走身康心太平

冬曉卽事

曉隔瑤窗望高檐霽色澂日光不到處霜彩欲生棱短
景迴南陸閒身卧茂陵歲闌無一事鄉思鷺飛騰

擬天津鐃歌

併引

咸豐九年六月映咭喇國以上海和議未成犯
我直沽僧邸先期奉旨駐防設伏以誘之沈

其巨艇六獲大礮若干尊是役也中外人心爲之一快蟻蝨微臣弗獲操簡從太史後奏雅獻頌不揣固陋擬爲饒歌以鋪揚盛烈庶塞上番回部落聞之有以生其震疊云

咸豐天子任親賢大戮鯢鯨瀚海孺爲想
圓明園駐蹕捷書連夜到甘泉

肺腑親兼帶礪盟名王累世篤忠貞請看作事不凡甚

將種誰如

帝室甥

考國史額駙策楞父子先後平丹津關新疆功最鉅王之遠祖也蒙

古諸藩勦舊無與比故王父車登巴咱爾復尙睿廟主而王爲宣廟甥也

智勇兼全世所稀
身先士卒赴戎機
纔聞連鎮擒渠至

又報天津奏凱歸

前歲京東擒髮逆
指揮亦悉出于王

鼓鞀響震甲光明
火器營連健銳營
夾岸吹飛呼萬歲
直沽風浪答歡聲

邊才舉國推林鄧
和議當年誤穆耆
先帝愛民厭兵

意十行

遺詔讀堪思

宣宗遺詔獨
惓惓于洋務

謀成戰勝本朝廷
飲至書勳碣勒銘
繼述欽惟

今上孝仰承
宣廟在天靈

西瓜礮與火輪船
爭說礮船大且堅
今日雞心灘

海口沈船

處
上望破船載礮沒重淵

懷德須先使畏威致人設伏算何奇從今膽盡諸蕃落
豈獨 皇靈播島夷

水仙花 併引

隴右地苦寒水仙罕有至者至亦鮮能花近漸
可植因乞得兩盆日輭風和湯沃而陽曝之已
作花八九箭襯以卵石供於斐几吟此以貺花

神

弱卉幽蹤問水濱珊珊仙骨認前身采從空谷和煙斲

栽向明窗映日新色割蜜脾金盞豔香參麝味玉盤珍
冬心宛抱湘江怨臘意能回隴阪春斗室孤標雲冉冉
瓷盆清供石磷磷瓣分六出冰輕縷鬚裊重臺蠟舊勻
交甫奇逢疑可再季鷹逸韻得其真羣芳譜更編龍女
彼美圖宜著洛神吮墨寫生思道子撫琴動操弔靈均
黃冠登岸渾無垢綠帔淩波迴絕塵磬弟梅兄誰是伴
雲階月地若爲鄰歲闌莫與鄉愁遣賴此繁花慰旅人

蠟梅

天水近歲始有此花今冬購得一株與水仙兩

益相對耳目頗覺一新亦率題長律

蜜蠟釀成資百卉蠟還化卉妙天機祇疑燭淚風前泣
卻幻花魂雪後歸翠羽不來窺鵲羽縞衣無色換紉衣
壽陽入道矜裝束額點鵲黃映異輝

歲暮托凝如刺史慨分清俸兼拜羔酒米麥之賜
戲成短古呈謝

故人來作秦州牧不爲豬肝嫌閔叔歲晚方深瓶罄憂
廩人繼粟庖繼肉青州從事佐清歡白水真人屈芳躅
鼯鼠鷄鵲飲與棲滿腹一枝不求足無端阿堵羣飛來

篋溢囊盈塞破屋本領既大心計粗餅師恐負渭城曲

除夕口占

萊衣老著勝朝衣偶假蝸居未賦歸不覺二千三日住

計自解組已六年五閱月矣漸知四十九年非明日卽冰霜晚節紛

多感石電流光駛若飛又向天涯度殘歲長恩祭罷掩荆扉

元旦口占

又見咸豐十載春邊城景物喜更新朝元苦憶爲郎日
望遠偏傷久客神海內干戈猶滿眼天涯竿木孰隨身

道見要逢場賀歲歸來後自課閒吟肇紀申
百戲者

蘭州懷古

不有金城險羌胡柰若何李唐保豐勝趙宋復熙河地
作華夷限勦思霍鄧多營平遺壘在落日澹煙蘿

洮湟趨九曲如帶作城濠哈密烽遙接皋蘭戰屢壓乘
時張駿據畧地董璚逃聖代三邊靜西來道貢葵

乾隆中葉盛民氣四方恬蠶爾花門種居然草澤潛山

空龍尾踞渠旋馬頭殲憑弔金天觀崑岡燼尙炎

謂田五之

獲

印須城北岸舟子不煩招白塔當前寺黃河第一橋繩
繩排鵝首宛宛臥虹腰更看層冰合輪蹄迹印遙

早春卽事

閨歲春光晚閒身樂事饒乞花栽小院索句坐深宵此
意堪遲暮何人共寂寥天南回首處慚負舊漁樵

久不得北垣太守書聞川賊蔓延躡及瀘江知不
免風鶴之驚詩以憶之

君住瀘州已二年傳聞烽火接西川春來不見郵書到
目送飛鴻日暮天

往歲初逢車笠盟今朝相憶駟蛩情飛芻溟海愁無路
又白籌邊髮幾莖

越境時猶畏簡書搜城誰共護儲胥空教舊侶吟招隱
未許勞臣賦遂初

時奉檄駐瀘監鑄局以濟滇餉故並及之

望雲陟屺淚霑衣薄祿牽人滯未歸我亦天涯淪落者
烏私願喜不終違

母夫人猶在山左

拗體題武侯祠

古柏參天誰氏祠商周以降王者師大名雖鳳伏龍並
內助木牛流馬奇先生空陳六未解後主難語三無私

蚍蜉撼樹不自量千古齒冷薛能詩

讀毛馳黃集題後

名先舒錢塘人工漢魏樂府近體專學杜

遺老 國初存馳黃集共尊幾人真學杜此事合推袁

廣結明湖社長關栗里門空同兼臥子私淑見淵源

毛於

有明一代詩推雲間文宗北地

二月初五夜大雪

曉覺春寒甚開窗雪尙飛晴檐懸溜急冷竈溼煙微五

出仍爲瑞

立春後雪花皆只五出

三時可不饑恰饒高臥客日午

掩荆扉

題朱心言州從事停琴磨劍圖小影

縱目層霄送遠鴻，壯懷徑擬倚崆峒。
逢時利器江心冶，曠代知音爨下桐。
綠綺久停應仁月，青萍乍瑩欲生風。
天涯我亦飄零客，展卷欣看寄興同。

妙手工傳阿堵神，喬松未老已生鱗。
幼輿一壑情彌肖，叔則三毫態逼真。
多藝多才名父子，有猷有守宰官身。
他年單父敷醲化，始信豐城望氣人。

戊午經高平曾一識其尊人吉人府佐

再題前圖

代友人作

有琴胡不鼓有劍胡不舞
畫師寓深意妙諦吾領取
俗耳喜箏琶希聲厭太古
青鋒授非人小用等刀斧
藏器期待時松石足爲伍
一朝遇賞音萬丈寒鉞吐
絃以冰蠶絲拭以華陰土
神物合延津休風鳴單父
持謝圖中人曾心在阿堵
願君寶此卷傳家同治譜

出郊外送夏游戎

熙河老將報投簪六載過
從愜素心出餞已教傷別
苦分攜況復值春深客攀
綠柳新稊影士愛青棠舊
憩陰臨發休嗟風雪緊隨
車來去有甘霖

是日大雪

子佩封翁就養永昌以一律留別次韻呈答

老友相看兩鬢霜烽煙南望思蒼茫幸逢栗里爲仁里

權把桐鄉作故鄉我受氓廛棲舊治

時買屋將移居

君依子舍

向窮荒扶筇還約同歸隱矍鑠應輸步履強

和章未暢別情更綴二絕以贈

三載秦川結德鄰休官共喜乞閒身城東茂叔應惆悵

謂我石山長

從此賡詩少一人

酒泉遺愛口爲碑

君曾任張掖

治譜傳家信足師料得伊涼

諸父老馬頭迎拜使君兒

譚雲泉州佐垂老筮仕客死秦川康小山廣文部
推大定府經未三載其孥以喪返連日唁賻爲
之慟然聊託哀吟亦欲以告仕途之戀棧者

中年胸次殊哀樂觸緒輒成數日惡舊游況復徂謝多
紛若秋風捲殘籜雲泉明經讀書士肘印未懸身已死
贈賻誰歸廣柳棺蜀川西望路漫漫小山參軍本宦嗣
之官難免妻孥累別來三載信音稀忽報黔中丹旆歸
世人識字多憂患生生死死緣一官爲問抗塵還走俗
何如釣水與耕山我今宦成未歸去感此每籌稅駕處

留別舊居

解組經年始假得藩理問張姓
錦輝開房一住七載情殊可感

東南瀕洞戰塵飛
退宦羈留孰可依
珍重伯通容廡寄
豈能久假不思歸

雙槐夾戶列如衙
錯被人呼靖節家
更愛西鄰森御柳
春深紅借出牆花

偃息時凝燕寢香
良宵清景最難忘
夢回屬耳街西閣
鈴語風傳替戾剛

寓西有奎樓兩層

陋室僑居詠有那
寓公門外雀堪羅
維桑三宿猶生戀
況較聞黎七載多

五月十四夜前庭翫月

炎夏敞虛堂披襟納夕涼
新居三度望好月十分光
水藻紋交砌鄰槐影過牆
髯蘇言倍韻清景劇難忘

戲用溪西雞齊啼韻偶成四律

宦況

漫言政道與刑齊走俗抗塵東復西
挾矢思驅潮海鯨操刀學割武城雞
此途傾軋多羅網幾輩貪婪甚壑溪
寄語繡衣持斧者好將路哭換家啼

旅愁

幾經吳楚歷燕齊
欲浣征塵日又西
饑色爭槽維塞衛
惡聲撼枕唱荒雞
侵晨霧重僂登嶺
過雨流湍跣亂溪
歸思正濃裝未俶
最撩人是杜鵑啼

戍怨

關山高欲與天齊
結束長驅向隴西
近塞荒寒逢斷雁
出門膂膊記鳴雞
燒殘草死頻移帳
瘴觸椒生莫飲溪
曾向石壕村裏見
婦翁不敢吏前啼

閨情

姬姜憔悴命難齊
卽去征遼夢欲西
驛使未逢惟祝燕

嫁衣纔著合隨雞心營蘿屋傷幽獨背樹護堂弭勃谿
一自刀環消息杳淚痕潮汐鏡中啼

玉生刺史置酒紅藕軒召客余寓秦獨久所見州
署芙蓉之盛以今歲爲最退賦長古用誌勝游

隴頭六月生火雲隱囊紗帽心如焚酷暑由來甚酷吏

欲逭應須張酒軍秦川刺史最風雅楹額浣香自吟寫

池畔有小榭刺史榜以紅藕軒額曰浣香並題
一聯云竹影月移添畫稿荷香風送到琴牀 炷香瀾

茗招納涼讀畫評書同結夏
出法書名 畫示客 是時池荷方盛

開鑑塘水滿無纖埃綠帔亭亭湘女出紅裳冉冉洛妃

來紅花綠葉豔相映花發駢枝葉交柄英餐粉瓣添食
單飲截碧筩佐觴政觥籌交錯形兩忘分曹拇戰復圖
藏惟聞竹籟答詩籟不辨荷香入酒香酒闌散步迴塘
曲擬照紅妝催秉燭無腔鼓吹吹蛤魚弄影金梭飛蝠
蝠我亦亦園舊主人卽今對酒黯傷神回首蘇臺歌舞
地吳王水殿半成塵

時粵逆之警
漸迫姑蘇

次玉生刺史紅藕軒賞荷宴客詩韻

傳來佳什浣塵襟潑溜淋漓仗墨賓繼和知誰先脫稿

詠蓮還屬愛蓮人

謂周我
石山長

勸君勤覆手中杯隴外于今少舊醅不見荷花真欲語

重來端爲主人開

刺史近始同任

政成何必廢游觀客久鄉愁亦强寬獨惜栽花人去遠

一春辛苦不同看

謂托凝如刺史

戎葵作幃水平階舊景翻新出雅懷竹影荷香渾見慣

一經題品覺偏佳

出水真成出世姿香風過處蝶蜂隨六郎底事紅潮頰

卯飲應饒酒一卮

此地無白蓮

新蟾未上雨初收蟲語蛙聲景物幽坐久衿衣爭欲換

直疑三伏變三秋

是日先有微雨

中流風惡落帆忙
早向濂溪燕瓣香
但使污泥原不染
何妨時世學梳妝

舊唱田田曲已殊
西施醉舞倩誰扶
憑君莫語江南恨

愁見吳王夜宴圖

時蘇州已失守

承聞餘杭失守偶成長句志慨

扁舟記泛浙江隈
鳳舞龍飛勢壯哉
自昔霸圖開越甸
于今劫火付秦灰
萬松官道樵蘇往
三竺僧寮邏騎來
最是湖西山水窟
歌塵銷歇使人哀

淮水篇

哀清江浦
失守也

淮水清黃河奪後存空名南岸清江浦北岸王家營閭閻撲地無堅城漕河兩帥多標兵置之死地而能生遇賊迎頭不擊但尾行昔人防江必防淮東萊十論文自佳今日守淮須守浦咫尺徐揚倚門戶一從蛾賊擾南畿半壁東南羽檄飛皖公山下屢酣戰揚子江頭長合圍尙書作鎮獨持重徵召雄驍刺義勇海氛土寇削且平江北淮南恃無恐

謂楊至
堂河帥

承聞劇賊今春來萬民死

徙殊可哀狼燧光連天后閘馬通高並禹王臺是時春

官正開試多士北征偕計吏相傳纍係囚與俘中有義

冠博帶儒

聞賊以二月至會試士被裹百餘人

狐兔悲深傷厥類昔年我

亦上公車我歌不能悉人讀不忍卒淚雨似河傾灑向
淮黃應欲溢此地決河災迭乘爲魚往往嗟襄陵柰何
殺運復頻仍死兵之慘尤可矜呼天欲問天不應朝
廷神聖占中興掃除妖孽安黎蒸爲弔無數蟲沙與猿
鶴可能遠學劉安雞犬拔宅同飛昇

鐵蘭吟

併序

海東帆守府將門世蔭性喜圖書偶購得鐵蘭

一方架徵詩於余因往索觀覺冶鑄精良花葉
扶疏有非繪畫所能及殆出江左巧工之手歟
率賦長古聊用塞白云爾

五金莫過鑛鐵剛百卉無逾幽蘭芳利並澤鹽漢論著
聲同沅芷楚騷詳何年大匠洪鑪煽巧運匠心闢生面
直教九畹出範模早把六州入烹鍊憶昨來登君子堂
驚看素壁叢國香質異紫磨和赤堇品超北勝與南強
坐客凝觀歎奇絕綠葉紫莖宛如綴丹青不數馬湘蘭
骨格堪侔楊老鐵凡葩俗豔遜錚錚曾結歲寒思有盟

勁箭有風應馥烈懸根無土自叢生東帆守府雄豪客
得盡徵詩慰嗜癖佩紉夢已叶熊羆治躍祥還符檠戟
臭味相親卜斷金愧余白戰託微吟君家自有剛峯叟
人世誰知正則心

周我石山長掇贈錢石儂刺史指畫白菜橫幀賦
此以謝

感君持贈好秋光寫幅畦蔬解傲霜恰與寒儒風味稱
齋廚杞菊共芬芳

舊識錢郎老作家淋漓墨瀋欲生華須知指下饒真氣

不似徐熙沒骨花

諸葛元修例足珍鄉心正爾託鱸莼嘉名雅配春初韭
合問君家老彥倫

蹲鴟作帖訛燒芋蒸鴨登盤認斷壺我愧夙緣芻豢誤
圖中根味晚知腴

憂來

時聞夷艇駛
至直沽犯順

寸心不語獨怵怵驀地憂來百感生兀坐倚囊行倚柱
當眠忘枕食忘羹君臣倫重曾靡爵夷夏防嚴竟弄兵
共說陽侯能效順海壖何計掃欃槍

秋陰市地晝常昏聞道妖氛近海門八日羽書馳絕塞

徵兵符檄僅八日已轉行至秦

十年烽火滿中原虎頭食肉心空壯馬

革捐軀事孰論蟣蝨小臣翹北望關河鼓角蕩羈魂

拙宦邊城久乞身時艱蒿目淚沾巾勤王諸道徵驍騎

謀國中朝仗重臣

時派瑞相駐防通州並調近畿旗綠營兵

但祝幽燕先奏

凱休言西蜀舊蒙塵在天列祖靈堪恃二百年來總

愛民

崇儒養士國恩深朝野臣民盡腹心況是天朝昭一

統豈容島醜肆相侵火輪已向津門燬露布行聞頡利

擒莫笑書生操不律平淮雅擬嗣徽音

八月二日同常蔚廷游戎劉獻廷通守朱鶴汀馮

灼三大令游南郭寺

寺古傳南郭天空入早秋五年身懶到六度客同游泉

塔自殊特柏松相對幽

近寺僧於古柏之右補植數松

但攜茶帖往潑

乳借僧甌

李杜名爭震江山迹半陳野橋虹臥換

山半舊有橋近圯于崖下改闢

新徑較坦夷

梵宇鳥飛新客盡濟時彥余慚逃世身相將惜

歸騎夕照下城闌

大府奉 廷寄調河西獵戶入衛通州因召募不

及改派緣營射士以應海東帆守府任膺統領

賦贈以壯其行

鳳詔承聞下紫闈
水犀精選赴戎機
將軍入援勤王事
射士長驅向帝畿
弓矢手調皆中鵠
旌旗氣壯不停騑
酬君夙昔封侯願
奏凱行看肘印歸

秋夕聞雨

短日秋經社

前一日秋社

深宵雨打窗
高檐聲颯颯
殘檠影

幢幢客睡何曾著

借杜句

詩魔未肯降
越吟敲旅枕
歸思

赴吳艤

秋夕書懷

八月涼風至衆芳競銷歇
寒色淡郊垌秋聲動林樾
坐念久閒身窮年空兀兀
讀書如看山走馬過飄忽
吟詩如候蟲聊代標日月
蹤迹繫邊城心期懸魏闕
起視東北天海氛暗溟渤
投筆消壯懷戟指書咄咄

科名與官職進退良有時
致身同喜早息影恆苦遲
爲郎竊祿養聊以酬烏私
牧民綰州符詎云占鴻儀
廿載墮塵網浮榮非所期
一朝悟止足簪組棄如遺
身外較

輕重人中多是非何必秋風起方知張翰機

人生區宇閒如醯雞處甕擾擾復憧憧利名役羣動無
端辭故邱苦被彼蒼弄雲閒有仙人下視笑應闕思此
宦游身卅年阻歸鞚浮蹤寄廡梁觸緒悲秋宋卽今江
與湖戎馬方倥偬矯首羨賓鴻南飛目空送

修士矢附驥千秋胡可輕壯夫薄雕蟲一技焉足營心
傳洛閩彥古訓東西京縱多藝苑藝那及名山名繫余
賦孱質望道猶問盲春華遜秋實此意誰復明百齡不
常保七尺非虛生垂老期有聞短景愁易傾

清一上人設齋邀飲我石山長先以詩謝卽次元

韻

憶隨喜閱十三春重向蓮臺禮法輪僧臘漸高忘我相

花甲初週儒酸不厭見天真

是日楊惺齋任士言郭瑞岐三孝廉皆在座

許

嘗香積廚中味疑傍龍華會上人願學道林與元度忘
形方外訂交神

重九後二日楊任二孝廉導同我石過鄒氏園看

菊喜其培灌得宜甲乎天水賦贈友三茂才卽

乞分惠菊種

約伴尋秋出郭遲
西城文士有東籬
家傳賦雪梁園筆
心慕餐英楚澤辭
老圃手鋤分露梗
重陽面檻就霜枝
客來瀟葬同欣賞
亭榭無多位置宜

癸嗜黃花我亦偏
客囊每蓄買秋錢
栽留小院三弓地
開盼西風九月天
濁世難逢陶靖節
嘉名好錫傅延年
茲游喜觀同心侶
擬乞靈苗莫吝傳

家人抱疴者多自秋徂春不存一詩偶憶杜句率

古志慨

詩魔難與病魔爭
得句奚囊懶足成
藥裏關心詩盡廢

我于杜老有同情

同友出西郊看梨花兼過天水池觀魚

偶命嬉春侶言遵藉水濱風光剛穀雨

是日穀雨節

花訊恰

梨雲駿足芳郊試鶯聲古剎聞江南應草長迴首戰爭
紛

小憩過天水方塘徹底清人饒濠上賞魚在鏡中行勝
地游偏數閒身步亦輕歸鞭遙指處落日隱春城

讀史偶次趙松雪岳墳韻

似聞萬姓歎流離鋒鏑餘生孰拯危過市貲郎紆組綬

登壇債帥擁旌旗巨川那得方舟濟大廈知非一木支
獨有宦成未歸者不勝燕雀處堂悲

紀鄉夢

游仙一枕落炎荒五月榕城海氣涼射鱗溪頭盧橘熟
宿猿洞口荔枝香家園景物宜銷夏客子情懷正憶鄉
夢裏不忘身在遠逢人總道似歸裝

篤夫王生

立誠

奉其舅氏炯甫命枉顧連夕談鄉

園近事甚悉走筆賦贈

雅度何無忌清修雋不疑逢君今夕話觸我故園思閤

閱紛興廢干戈幾亂離最憐誅索巧萬姓竭膏脂鐵錢票一

事貧富無

不受害

雨夕聽王生談道中所見

一雨忘三伏挑燈坐晚涼秋蟲淒警夕倦客苦懷鄉道

遠烽煙梗時危井邑荒客從豺虎窟來話尙神傷汀建一帶

被賊殘燬

讀聽松廬詩鈔題後

南海張南山名維屏著壬午進士官楚北司馬

抱琴人死後

謂鄭湛若露

嶺海繼詩聲崛起張夫子高歌古

性情拜松徵品貴

見古松輒拜人爲繪圖

削草比官清追想蘇齋

彥應齊李重名

吳蘭雪博士皆翁覃溪學士蘇齋高足

創割羅浮界名山入賞音

游羅浮于兩山分界處題曰分霞嶺冥搜雲水

趣勝侶慳幽尋

於白雲山關雲泉山館標題十景爲游息之所流峙當前是推

敲一往深文章須得助把卷想孤吟

雋三與亨甫前後得三張晚近存詩學千秋作 國光

獨窺全豹幸難判一夔良

三詩人皆國朝必傳之見作余獨得見先生全集

說天隨在名山定續藏

余友劉炯甫岷雲樓詩話以從軍未至廣州一見君爲恨且云

不識後此有再面緣否以集中甲子計之當已年逾八十矣

新居隙地較廣種菊倍往年而乏人料理荒穢殊

甚詩以慨之

愛菊陶家早得名茲秋術遜棗駝精開來黃白非無色
看到離披也有情就賞幾人能送酒行吟容我自餐英
廿年不過花之寺獨立西風憶帝京

官都下日每歲
向三官廟買菊

聞官軍大破賊收復安慶率成志喜

戰勝江城滌穢腥當陽新主赫聲靈長驅貔虎來三

戶

聞皆楚
軍用命

大戮鯨鯢遣六丁妙算不殊淝水捷膚功合

向皖山銘從今破竹清南服釜底游魂勢已形

秦川焚餘草卷四終